

Rut

Rutnê min njam to malô kêsâ gêdên tañ Gôliŋwaga sêjam gôliŋ Israel nañ. Awê Moabña Rut gêjam ñac Israelña teñ. Gêdên tañ nê akweñ gêmâc êndu nañ, Rut kêsap lawao langwa tôñ ñañhêngeñ ma gêjam sakin lau Israel nêñ Anôtô toné ñalêlôm samucgeñ. Kêtu ñamu eñ gêjam nê akweñ langwa nê lasitêwai teñ ma kêtu lau Israel nêñ kin towae Dawid nê mimio.

Gôliŋwaganên min gêwa sa gebe Anôtônê lau embe sêkac tauñ su aña Anôtônê, nañ têtap gênwapac sa ma sec êoc êsêac sa. Rutnê min gêwa sa gebe Lau jaba, tañ sêkên gêwiñ lau Israel nêñ Anôtô nañ, têtap moasiñ sa e têtû Anôtônê lau ñañên nêñ ñagêdô.

Rut agêc Naomi

¹ Gêdên têm, tañ gôliŋwaga sêjam gôliŋ gamên nañ, tôbôm teñ kêsâ. Ma ñac teñ aña Betlehem Judaiaña gêdi gebe naêngôn gamên Moabña amboac ñac jaba. Ênê awê to latuagêc sêwiñ eñ. ² ñac tau nê ñaê gebe Elimelek, nê awênê ñaê Naomi ma latuagêcnên ñaê Malon agêc Kilion. Êsêac lau Epraim aña malac Betlehem Judaiaña. Êsêac jasêo lasê gamên Moabña ma sêngôn tônê. ³ Ma Naominê akweñ Elimelek gêmâc êndu, ma awê tau to latuagêc gacgeñ sêmoa. ⁴ Êsêagêc sêjam lau Moab nêñ awê, teñ nê ñaê gebe Orpa ma teñ nê ñaê Rut. Êsêac sêngôn gamên tau amboac jala 10. ⁵ Malon agêc Kilion sêmac êndu lulugeñ amboac tonanğeñ,

tec awê tau latuagêc ma nê akwenj sêwi enj sinj su ma taugenj gêmoa.

⁶ Tec Naomi ma lawaoagêc dêdi sebe sêwi gamênj Moabnja sinj sêmu sêna ênê gamênj, gebe enj gênô njawae anja gamênj Moab, gebe Apômtau taê walô nê lau ma kékênj mo gêdênj êsêac. ⁷ Amboac tonanj enj gêdi anja malac, tanj gênjgôn nanj, ma lawaoagêc sêwinj enj. Êsêac sêsêlênj sêsa intêna gamênj Judaijana sêja. ⁸ Ma Naomi kêsôm gêdênj lawaoagêc gebe “Ajôc, agêc aêc amu andênj tenemiagêcnênj andu ana. Apômtau êmoasinj amagêc êtôm amagêc amoasinj aê to njoc njacmatê. ⁹ Apômtau êkênj amagêc atap nênj njaciagêc sa ma alêwanj taôm anja êsêagêcnênj andu.” Go enj kêlêsoj êsêagêc alinjanô. Êsêagêc têtanj lasê ¹⁰ ma sêsôm gêdênj enj gebe “Masi, aêagêc abe awinj aôm tamu dandênj nênj lau tana.” ¹¹ Mago Naomi kêsôm gebe “O latucoagêc, amu anamanj. Amagêc abe awinj aê êtu asagenja. Njapalê njagêdô sêc aê têtacêlêlôm gebe jakôc têtuj amagêcnênj njaciagêc me. ¹² O latucoagêc, amu anamanj. Asa nênj lênj, gebe aê katu awêanô sugac, oc janam njac tenj êtiam atom. Aê embe jasôm gebe aê taêc kêka njapalê ma aê embe jatap njoc akwenj sa êndênj êmbêc tonec ma jakêkam njapalê, ¹³ amagêc oc aônj e êsêagêc têtuj kapôênj me. Oc anjanj taôm êndênj lênj sênam taunja me. O latucoagêc, masianô. Apômtau lêma mênjkêtap aê sa, tec kékênj wapac aê njanôgenj kêtuj amagêcna.” ¹⁴ Go êsêagêc têtanj lasê kêtiam ma Orpa kêlêsoj lawao lanjwa alianô, mago Rut kêmbôênj enj tônj.

¹⁵ Ma Naomi kêsôm gêdênj enj gebe “Ôlic acgom, nênj boaluo gêmu gêdênj nê lau to nê anôtôi gêja.

Ôndanꝓuc nêmu boaluo ômu ôna amboac tonanꝓen.”

¹⁶ Mago Rut kêsôm gebe “Ôkac aê, gebe jawi aôm sinꝓ to jandanꝓuc aôm êtiam atom nec atom.

Gamêꝓ taꝓ aôm ôna nanꝓ, aê gabe jana.

Gamêꝓ taꝓ aôm ôngônꝓ nanꝓ, aê gabe janꝓônꝓ.

Aômnêm lau têtû aêꝓoc lau

ma aômnêm Anôtô êtu aêꝓoc Anôtô.

¹⁷ Gamêꝓ taꝓ aôm ômac êndu nanꝓ, aê gabe jamac êndu,

ma sênsuꝓ aê anꝓa tonanꝓ.

Apômtau êwê aê êtôm enꝓ taê gêjam,

tageꝓ gêmacanô taugenꝓ tec êkac aê su anꝓa aômnêm.”

¹⁸ Gêdêꝓ taꝓ Naomi gêlic gebe awê tau taê gêjam kêtû tôꝓ gebe êwiꝓ enꝓ, tec kêsôm biꝓ teꝓ kêtiam atom.

¹⁹ Amboac tonanꝓ tec agêc lulugeꝓ sêsêlêꝓ e jasêo lasê Betlehem. Sêo lasê Betlehem e malacm samob têtakê kêtû êsêagêcꝓa ma lauo sêsôm gebe

“Naomi tau tonec me.” ²⁰ Awê tau kêsôm gêdêꝓ

êsêac gebe “Naomi atom, asam aê gebe Mara, gebe

ꝓaniniꝓ ꝓatau kêkêꝓ ꝓamakic taêsam kêpi aê. ²¹ Aê

gawi ꝓoc gamêꝓ sinꝓ toawê tolêlôm, ma Apômtau

gêwê aê gamu gamêꝓ tonjalêlôm sawagenꝓ. Apômtau

gêwa aê sa gebe gawê kaiꝓ biꝓ ma ꝓaniniꝓ ꝓatau

kêlêsu aê, tec asam aê Naomi kêtû asagenꝓa.”

²² Naomi agêc lawao Moabo Rut sêmu sêmêꝓ anꝓa

gamêꝓ Moabꝓa ꝓamiꝓ tau tonanꝓ. Êsêagêc jasêo lasê

Betlehem gêdêꝓ taꝓ lau sêkôc kôm sêjac polomꝓa

sa. * †

* **1:22:** Naomi ꝓam gebe Mataêjamo. † **1:22:** Mara ꝓam gebe ꝓamakico.

2

Rut kejor polom nasalin-salin sa anga Boasnê kôm

¹ Ma Naominê akwenê lasitêwa tenj gêmoa. Enj nac tolêlôm anga Elimeleknê gôlôacnêj. Ênê naê Boas. ² Ma Moabo Rut kêsôm gêdêj Naomi gebe “Ôlôc ma jana kôm najajor polom nasalin-salin sa jandanguc lau, tanj sêlic aê najam ma têtinj aê atom nanj.” Ma Naomi kêsôm gêdêj enj gebe “Latucoenec, ônamañ.” ³ Tec gêdi jakejor polom nasalin-salin anga kôm tenj kêdaguc lau-sêsapwaga. Ma kôm tau tonanj Boasnê. Enj Elimeleknê gôlôacnêj nac tenj. ⁴ Gêdêj tonanjenj Boas mênjgêô lasê kôm. Enj awa gêjac lau-sêsapwaga gebe “Apômtau êwij amac.” Ma êsêac sêjô enj awa gebe “Apômtau ênam mec aôm.” ⁵ Go Boas kêsôm gêdêj nê sakinwaga, tanj gejob lau-sêsapwaga nanj, gebe “Asanê npalêo tônê.” ⁶ Ma sakinwaga, tanj gejob lau-sêsapwaga nanj, gêjô enj awa gebe “Enj Moab npalêo, tanj gêwij Naomi anga gamêj Moabña gêmêj nanj. ⁷ Awê tau kêsôm gebe ‘Aê jatenj gebe alôc gebe jajor polom nasalin-salin jamoa lagic nasawa jandanguc lau-sêsapwaga.’ Amboac tonanj tec gêmêj ma gêjam kôm napanj gêdêj bêbêc kanucgenj e mênjgêdêj galoc ma kêlêwanj tau njagec atom.”

⁸ Go Boas kêsôm gêdêj Rut gebe “Latucoenec, ôkêj tanjam aê acgom. Ojor polom anga kôm tenj ma ôwi tonec sinj atom. Ôwij aênoc sakinwagao banbanjenj. ⁹ Ma matam êsap kôm, tanj êsêac sêsap sêmoa nanj, ma ôndanguc êsêacgenj. Aê gajac binjsu sakinwaga gebe sêlênsôj aôm atom. Bu embe êjô aôm, go ôndêj ku naônôm bu, tanj sakinwaga têtê

naŋ.” ¹⁰ Go Rut gêu tau laŋôanô jagêdêŋ nom ma kêsôm gêdêŋ Boas gebe Aê awê jabao nec gajac matamanô ɲajam ma matam gêdiŋ aêgenj kêtua asagenɲa.” ¹¹ Boas gêjô eŋ awa gebe “Gêŋ samob, taŋ aôm gôgôm gêdêŋ lawamo laŋgwa gêdêŋ taŋ nêma akweŋ gêmac êndu e mêngêdêŋ galoc naŋ, sêjac miŋ gêdêŋ aê tomalagenj. Aôm gôwi tênam agêc tamam to nêma malacmôkê siŋ mêngô lasê gamêŋ teŋ, taŋ gêmunjenj gôjam kauc naŋ. ¹² Apômtau êmoasiŋ aôm êjô gêŋ, taŋ gôgôm naŋ, ma Apômtau Israelnêŋ Anôtô, taŋ gôê lamu ênê magê gômôêŋ tonec naŋ, êkêŋ moasiŋ totau-totau êndêŋ aôm êjô. ¹³ Go awê tau kêsôm gebe “O ɲoc apômtau, aôm kômooasiŋ aê ɲanô to gôjac aê têtac tôŋ. Aôm nêma sakiŋwagao ɲanô teŋ aê atom, mago kôsôm biŋ ɲajamgenj gêdêŋ nêma sakiŋwagao aê.”

¹⁴ Gêdêŋ noc sêniŋ gêŋɲa Boas kêsôm gêdêŋ awê tau gebe “Ômôêŋ mênôniŋ polom ma ôsac nêma polom ɲagêdô tôŋ êsêp wain.” Amboac tonaj Rut gêŋgônj gêwiŋ lau-sêsapwaga ma Boas kêkêŋ polom sigob gêdêŋ eŋ genj. Ma awê tau genj e gêoc eŋ tôŋ ma ɲagêdô gacgenj kêkô. ¹⁵ Gêdêŋ taŋ awê tau gêdi gebe ejoŋ polom ɲasaliŋ-saliŋ naŋ, Boas gêlêŋ biŋ nê sakiŋwaga gebe Andec eŋ ejoŋ polom êmoa lagic ɲasawa ma anac jao êndêŋ eŋ atom. ¹⁶ Ma ataiŋ ɲakaiŋ ɲagêdô su aŋga lagic ma awi siŋ ênêc, gebe eŋ ejoŋ sa ma aec biŋ eŋ atom.”

¹⁷ Amboac tonaj tec kejoŋ gêmoa e kêtula, go kêsêlô polom, taŋ kejoŋ sa naŋ, e ɲadôn amboac talu tagenj. ¹⁸ Ma eŋ kêkôc ɲanô tau sa gêja malac jakêtoêc gêŋ, taŋ kejoŋ sa naŋ, gêdêŋ lawao laŋgwa ma kêkôc gêŋ, taŋ genj e gêoc eŋ tôŋ naŋ, ɲagêdô

jakêkêñ gêdêñ eñ. ¹⁹ Ma lawao langwa kêsôm gêdêñ eñ gebe “Ocsalô tonec aôm kojon polom ñasaliñ-saliñ sa anga ondoc ma gôjam kôm gômoa ondoc. Anôtô ênam mec ñac, tañ mata gêdiñ aôm nañ.” Tec Rut gêjac ñac, tañ gêjam ênê kôm nañ, nê miñ gêdêñ lawao langwa ma kêsôm gebe “Ñac tañ gajam kôm gawiñ eñ gêdêñ ocsalô tonec nañ, nê ñaê Boas.” ²⁰ Go Naomi kêsôm gêdêñ lawao gebe “Apômtau tañ kêgamiñ nê moasiñ gêdêñ lau mateñ jali to ñacmatê atom nañ, anam mec eñ.” Naomi kêsôm biñ tonec gêdêñ eñ gêwiñ gebe “Ñac tau aêagêcnêñ lasitêwainêñ teñ eñ kêtü aêacnêñ nomlênsêm ñakêsiwaga teñ gêwiñ.” ²¹ Ma Moabo Rut kêsôm gebe “Eñ kêsôm biñ teñ gêdêñ aê gêwiñ gebe ‘Ôsap ñoc sakiñwagao tôñ ñapañ e sênac ñoc kôm ñanô samob sa êmbacnê.’ ” ²² Ma Naomi kêsôm gêdêñ lawao Rut gebe “O latucoenec, ñajam gebe ôsêlêñ ôwiñ ênê sakiñwagao, gebe teñ êlênsôn aôm anga kôm ñagêdô atom.” Amboac tonañ Rut kejon polom ñasaliñsaliñ sa kêsap Boasnê sakiñwagao tôñ ñapañ e sêjac polom to polom sa gêbacnê. Ma eñ gêngôn gêwiñ lawao langwa. * lasitêwainêñ nomlênsêm, gebe lau jaba sêjanço su atom.

3

Rut agêc Boas sêmoa gamêñ sêka polomña

¹ Go Rut lawao langwa Naomi kêsôm gêdêñ eñ gebe “Latucoenec, amboac ondoc aê oc jan-som nêm malam ôngôn ñajamña teñ, gebe ômoa ñajamgen me. ² Boas tañ gôwiñ ênê sakiñwagao nañ,

* **2:22:** Nomlênsêm ñakêsiwaga êsêac lau, tañ sejon

aêacnêḡ lasitêwainêḡ teḡ eḡ. Ôlic acgom, êmbêc tonec eḡ oc ekolonḡ polom ḡapa anḡa gamêḡ sêka polomḡa. ³ Amboac tonanḡ ôlinḡ bu to ôninḡ oso taôm ma ôsô nêḡ ḡakwê ḡajam tau, go ôsêḡ ôna gamêḡ sêka polomḡa. Mago ôtôc taôm ôndêḡ ḡac tau atom e êniḡ to ênôm ḡêḡ êmbacnê acgom. ⁴ Ma êndêḡ taḡ eḡ êsa tau sic naênêc nanḡ, matam êndinḡ gamêḡ, taḡ eḡ ḡêc nanḡ, naôkac belanḡke akainḡḡa sa ma ôsa taôm sic. Go eḡ êsôm ḡêḡ, taḡ eḡ gebe êḡḡôm nanḡ, êndêḡ aôm.” ⁵ Ma awê tau ḡêḡô Naomi awa gebe “Biḡ samob, taḡ kôsôm nanḡ, oc janḡôm.”

⁶ Amboac tonanḡ eḡ kêsêḡ gamêḡ sêka polomḡa ḡêḡa ma ḡêḡôm kêtôm biḡ, taḡ lawao lanḡwa kêsôm ḡêdêḡ eḡ nanḡgeḡ. ⁷ Boas geḡ to ḡênôm ḡêḡ su, go ḡêmoa totêtac ḡajamgeḡ jakêsa tau sic ḡêc polom totonḡ ḡamagê. Go awê tau kêsêlêḡ sacgeḡ-sacgeḡ ḡêdêḡ eḡ ḡêḡa ma kêkac belanḡke akainḡḡa sa, go kêsa tau sic ḡêc. ⁸ ḡêdêḡ ḡêbêcauc ḡaluḡ, go ḡac tau kêtakê ma kêkac tau ôkwi e ḡêlic awê teḡ ḡêc eḡ akainḡḡa. ⁹ Eḡ kêtû kênac gebe “Aôm asa.” Ma awê tau ḡêḡô eḡ awa gebe “Nêḡ sakinḡwagao aê Rut. Ôlam nêḡ obo mênêsanḡ nêḡ sakinḡwagao, gebe aôm kêtû aêacma nom lênsêḡ ḡakêsiwaga.” ¹⁰ Ma eḡ kêsôm gebe “O latucoenec, Apômtau ênam mec aôm, gebe aôm ḡôḡôm ḡêḡlêlôm ḡêdêḡ lau tolêlôm me lau ḡalêlôm sawa nêḡ ḡapalê wakuc atom. Biḡ tonec kêtû aôm têtac ḡêwiḡ ḡanô ḡabelo kapôêḡ kêlêlêc belo ḡamatana su. ¹¹ Latucoenec, amboac tonanḡ tec ôtêc taôm atom. Aê oc janḡôm ḡêḡ samob, taḡ oteḡ nanḡ, gebe aêḡoc lau Betlehemḡa samob sêlicac, gebe aôm awê mansanḡ teḡ. ¹² Ma galoc, biḡḡanô, nêḡ nomlênsêḡ ḡakêsiwaga teḡ aê, mago

nom lènsêm ñakêsiwaga ñanô tenj gêmoa. ¹³ Ômoa êmbêc tonec ma êndênj bêbêcgenj enj embe ênam kôm, tanj gêjac nom lènsêm ñakêsiwaga ñawae nanj, oc ñajam, êngômmanj. Mago enj embe endec ma ênam kôm tau atom, nanjo aê janam kôm, tanj gêjac nom lènsêm ñakêsiwaga ñawae nanj. Aê jasôm binj êtu tônj êtôm Apômtau gêmoa mata jali. Ônêc bêc e elenja acgom.”

¹⁴ Go Rut gêc bêc gêc Boas akainja e gelenj mata, go enj gêdi gêdênj tanj lau sêlic tauj sapu-sapu nanj. Boas taê gêjam gebe awê tau gêc sêka polom ñamala nec ñapuc êsa atommanj, ¹⁵ tec kêsôm gebe “Ôkôc obo, tanj kôgadê nanj, mênjôlam.” Ma Rut gêlam obo, go enj gêjam dônj polom laclu 6 jakêsêwa kêsêp obo tau ma kêkênj gêdênj awê tau gêoc sa ma gêc gêja malac. ¹⁶ Enj jagêô lasê andu ma lawao gêjam kênac enj gebe “Latucoenec, binj amboac ondôc.” Go Rut gêjac minj binj samob, tanj ñac tau gêgôm gêdênj enj nanj, ¹⁷ ma kêsôm gebe “Polom laclu 6 tonec enj kêkênj gêdênj aê ma kêsôm gebe ‘Ôêc tolêmam sawagenj ôndênj lawamo ôna atom.’ ” ¹⁸ Rut lawao gêjô enj awa gebe “Latucoenec, ônsaê malôgenj e ôjala binj tau êtu katô acgom, gebe ñac tonanj oc êwi binj tau sinj atom, ocsalô oc êmansanj binj tau êtu solop.” * lasitêwainênj awêtuc.

4

Boas gêjam Rut sa

¹ Ma Boas kêpi malac ñasacgêdô gêja jagêngônj tonanj. Gêngônj ma gêlic nom ñakêsiwaga, tanj Boas

* **3:18:** Nomlènsêm ñakêsiwaga nê kôm tenj, gebe ênam nê

kêsôm ênê bin nan, kêsêlên gêmên. Tec Boas kêsôm gebe “O ñoc ñac, ômôênman, mênôngôn sic ôngôn tonec.” Ma en jagêngôn sic gêwiñ Boas. ² Go en kêkalem lau mata 10 anga malac ma kêsôm gebe “Mênangôn tonec.” Ma êsêac jasêngôn sic. ³ Go Boas kêsôm gêdên nom ñakêsiwaga tau gebe “Naomi tan anga Moabnên gamên gêmu gêmên nan, kêkên aêagêcnên ñac Elimelek nê nom ñamaken gebe lau sênam ôli. ⁴ Amboac tonan tec taêc gêjam gebe jakên ñawae êndên aôm ma jasôm gebe ‘Ônam ôli nom tau ma lau, tec sêngôn nec, to ñoc launên laumata sêlic. Aôm embe ôsi nom tau su, go ôsi su. Mago embe masi, go ôsôm bin katô aê gebe jajala, gebe nom ñakêsiwaga ten gêmoa atom, aôm taômgen, ma aê kadaguc aôm.’” Ma ñac tau kêsôm gebe “Aê gabe jasi nom tau su.” ⁵ Go Boas kêsôm gebe “Êndên bêc, tan ônam ôli nom su anga Naomi lêma nan, ônam ôli ñac gêmac nê awêruc Moabo Rut êwiñ, gebe daôn ñac gêmac nê ñaê sa êpi ênê nomlênsêm êtiam.” ⁶ Go nom ñakêsiwaga kêsôm gebe “Embe amboac tonan, go aê oc jatôm gebe jasi nom su êtu ñoc gên atom. Embe jasi su, go jajain tauc ñoc nomlênsêm. Aôm taôm ôsi nom tau su ôjô aê, gebe aê katôm gebe jasi su atom.”

⁷ Gêdên andanjen lau Israel nên mêtê langwa ten amboac tonec gêc, gebe ñac ten embe êsi nom su me êkên gên êjô gên ten, go ênu atapa ten su ma êkên andên nê ñac ten. Mêtê tonan gêwa sa gebe gen, tan sêgôm nan, kêtú tôngac. ⁸ Amboac tonan gêdên tan nom ñakêsiwaga kêsôm geden Boas gebe “Aôm taôm ônam ôli nom tau nan,” en gênu atapa ten su. ⁹ Ma Boas kêsôm gêdên laumata to

lau samob gebe “Ocsalô tonec amac samob alic su, gebe aê gajam ôli Elimeleknê gêñ samob ma Kilion agêc Malon nêñ gêñ samob su anğa Naomi lêma. ¹⁰ Ma gajam ôli Malonnê awêtuç Moabo Rut amboac tonañ, gebe êtu ñoc awê, gebe jaônñ ñac gêmac tau nê ñaê sa êpi ênê nomlênsêm, gebe sênac ñac gêmac nê ñaê êñgic anğa nê lasitêwainêñ to anğa nê malacmôkê ñasacgêdô atom. Ma amac atu aêñoc lau-awa-bin-sawaga.” ¹¹ Go lau samob, tañ sêngônñ sacgêdô nañ, to laumata sêsôm gebe “Aêac alic gêñ tau sugac. Apômtau êkêñ awê tau, tañ êpi nêmandu nañ, êtôm Rahel agêc Lea, tañ sêboa gôlôac Israel sa sêwinñ taunñ. Ôtu ñac tolêlôm anğa Eprata ma nêmandu waem êsa anğa Betlehem. ¹² Ma nêmandu wakuc, tañ Anôtô êkêñ awê matak tau êkôc nañ, sêkêñ nêmandu gôlôac têtôm Peresnê, tañ Tamar kêkôc kêtû Juda latu nañ.”

¹³ Amboac tonañ tec Boas gêjam Rut kêtû nê awê. Enñ gêmoea gêwinñ enñ e Apômtau kêkêñ enñ taê ma kêkôc latu tenñ. ¹⁴ Go lauo sêsôm gêdêñ Naomi gebe “Talambinñ Apômtau, tañ kêgaminnñ nom ñakêsiwaga gêdêñ aôm atom nañ. Lau Israel sêngôm ênê ñaê ñawae êsa. ¹⁵ Enñ oc êlau aôm têkwam saki êsa ma êndêñ tañ ôtu awêanô nañ, enñ êlôm aôm, gebe lawamo, tañ têtac gêwinñ aôm to gêjac matamanô ñajam kêlêlêc latômi 7 su nañ, kêkôc enñ.” ¹⁶ Go Naomi kêsip ñapalê tau sa mênketoc enñ gêsac labum ma kêtû ênê jaomwagao. ¹⁷ Ma nê lauo jabanñ enñ sa sê ênê ñaê tenñ gebe “Naomi kêtap latu tenñ sa.” Ma sêsam enñ gebe Obed. Enñ Dawid tama Isai nê tama.

¹⁸ Peresnê wakuc tau tonec. Peres kêka Hesron lasê. ¹⁹ Hesron kêka Ram lasê, Ram kêka Aminadab

lasê. ²⁰ Aminadab kêka Nason lasê, Nason kêka Salmon lasê, ²¹ Salmon kêka Boas lasê, Boas kêka Obed lasê, ²² Obed kêka Isai lasê, ma Isai kêka Dawid lasê.

BIBOLO DABUN
The Holy Bible in the Yabem language of Papua New Guinea
Buk Baibel long tokples Yabem long Niugini

Copyright © 1980 Bible Society of Papua New Guinea

Language: Jabem (Yabem)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-03

PDF generated using Haiola and XeLaTeX on 21 Feb 2024 from source files dated 31 Aug 2023

447e01c5-a375-5452-ae54-b3f890293eeb